



Broj predmeta: 40-000045/21
Broj akta: 06-0308SB-0013/21
Datum: 24.11.2021. godine
Mjesto: Brčko

VLADA BRČKO DISTRIKTA BIH
ODJELJENJE ZA ZDRAVSTVO I OSTALE USLUGE
- Služba za boračko invalidsku zaštitu i civilne žrtve rata

Na osnovu: Одлуке о utvrđivanju Programa utroška sredstava za dodjelu jednokratne novčane pomoći u stambenom zbrinjavanju demobilisanom borcu i članu porodice umrlog demobilisanog borca u Brčko distriktu BiH, broj 40-000045/21, usvojenih na sjednici Vlade Brčko distrikta BiH održanoj 24.11.2021. godine, Služba boračko invalidske zaštite i civilnih žrtava rata

OBJAVLJUJE

JAVNI POZIV

ZA PODNOŠENJE ZAHTEVA ZA DODJELU JEDNOKRATNE NOVČANE POMOĆI U STAMBENOM ZBRINJAVANJU DEMOBILISANOM BORACI I ČLANU PORODICE UMRLOG DEMOBILISANOG BORCA U BRČKO DISTRIKTU BIH

I

Predmet Javnog poziva je dodjela jednokratne novčane pomoći u stambenom zbrinjavanju demobilisanom borcu i članu porodice umrlog demobilisanog borca u Brčko distriktu BiH iz sredstava obezbijeđenih u budžetu Brčko distrikta Bosne i Hercegovine za 2021. godinu.

II

KRITERIJUMI ZA RASPODJELU SREDSTAVA

(1) Ovom tačkom utvrđuju se kriteriji za dodjelu jednokratne novčane pomoći za stambeno zbrinjavanje demobilisanom borcu i članu porodice umrlog demobilisanog borca u Brčko distriktu Bosne i Hercegovine, što podrazumijeva pomoć u rješavanju stambenog pitanja u smislu nove gradnje, nadogradnje, sanacije, završetka gradnje stambenog objekta na području Brčko distrikta BiH.

(2) Raspodjela sredstava izvršit će se u okvirima raspoloživog iznosa, do potpunog utroška istih na način da se dodjeljuju sredstva pomoći za:

1. započinjanje nove gradnje stambenog objekta u maksimalnom iznosu do 15.000 KM po korisniku – aplikantu iz reda pripadnika Vojske RS, Armije R BiH i HVO-e, istim da iznos predviđenih sredstava za novu gradnju ne može preći 30 % ukupno raspoloživih sredstava za dodjelu jednokratne novčane pomoći u stambenom zbrinjavanju demobilisanih boraca i člana porodice umrlog demobilisanog borca.
2. sredstva pomoći za nadogradnju, sanaciju ili završetak gradnje stambenog objekta u maksimalnom novčanom iznosu do 10.000 KM po jednom korisniku prava.
3. Broj odobrenih novih gradnji bit će utvrđen nakon primljenih zahtjeva po javnom pozivu od strane komisije za utvrđivanje ispunjenosti uslova za dodjelu novčane pomoći za stambenom zbrinjavanje korisnika prava za svaku vojnu komponentu pojedinačno, pri čemu će prednost imati lica koja su u podstanarskom statusu.
4. U slučaju da se sredstava namijenjena za započinjanje nove gradnje stambenog objekta u potpunosti ili nikako ne utroše, ista se preusmjeravaju na raspodjelu za podnosiocima zahtjeva u smislu nadogradnje, sanacije ili završetka gradnje stambenog objekta.

- (3) Korisnik prava za odobravanje jednokratne novčane pomoći za stambeno zbrinjavanje, u smislu podrazumijevaju se sljedeća lica:
1. demobilisani borac, koji je taj status stekao učešćem u posljednjem ratu koji se desio na teritoriji Bosne i Hercegovine, u trajanju najmanje 5 mjeseci;
 2. bračni drug umrlog demobilisanog borca, odnosno vanbračni drug koji je živio u vanbračnoj zajednici u trenutku smrti demobilisanog borca;
 3. bračno, vanbračno, usvojeno dijete i pastorka umrlog demobilisanog borca, koje je na redovnom školovanju do 26. godine života ili je navršilo 26 godina života, ali je prije navršene 15. godine života proglašeno trajno nesposobnim za rad.
- (4) Odjeljenju za zdravstvo i ostale usluge Služba za boračko-invalidsku zaštitu i civilne žrtve rata (u daljnjem tekstu: nadležna Služba) danom stupanja na snagu ove odluke raspisuje javni poziv za podnošenje zahtjeva za ostvarivanje novčane pomoći za stambeno zbrinjavanje.
- (5) Javni poziv traje osam dana (8) i objavljuje se u sredstvima javnog informisanja – na lokalnom radiju, kao i na oglasnim pločama:
1. Vlade Brčko distrikta BiH,
 2. Odjeljenju za zdravstvo i ostale usluge nadležne Službe,
 3. Odjeljenja za raseljena lica, izbjeglice i stambena pitanja i
 4. Registrovanih udruženja demobilisanih boraca na području Brčko distrikta BiH,
 5. JP „Radio Brčko distrikt BiH“ d.o.o. Brčko distrikt BiH.
- (6) Zahtjeve zaprimljene nakon zaključivanja javnog poziva Komisija za utvrđivanje ispunjenosti uslova za dodjelu novčane pomoći za stambeno zbrinjavanje korisnika prava neće razmatrati a za zaprimljene nepotpune zahtjeve daće razuman rok za njihovu dopunu.
- (7) Razmatranje zahtjeva i prijedlog za odabir korisnika prava vrši Komisija za utvrđivanje ispunjenosti uslova za dodjelu sredstava pomoći (u daljnjem tekstu: Komisija)
- (8) Visina pomoći utvrđuje se na osnovu predmjera radova koji izrađuje Komisija, na osnovu važećeg cjenovnika Odjeljenja za raseljena lica, izbjeglice i stambena pitanja kao i kriterija za raspodjelu sredstava utvrđenim ovom odlukom i tabele za vrednovanje posebnih kriterija, koja čini sastavni dio ove odluke.
- (9) Komisiju iz stava (6) tačke E) ovog Programa posebnom odlukom imenuje gradonačelnik Brčko distrikta BiH a čine je:
- a) tri zaposlena Odjeljenja za zdravstvo i ostale usluge – po jedan član iz reda sve tri vojne komponente u BiH,
 - b) tri lica građevinske struke
 - c) po jedan predstavnik boračkih Udruženja/Udruga do ukupnog broja tri.
- (10) Komisijom predsjedava član iz stava (9) tačke 1. iz vojne komponente o čijim predmetima se razmatra na sjednici Komisije.
- (11) Način rada Komisije bit će utvrđen Poslovníkom o radu koji se usvaja na prvoj konstituirajućoj sjednici Komisije.
- (12) Prilikom razmatranja zahtjeva korisnika prava, Komisija je obavezna da utvrdi da li podnosilac zahtjeva ispunjava uslove u pogledu općih i posebnih kriterija.
- (13) Ispunjenost uslova u pogledu općih kriterija su eliminatorni i obavezujući za korisnika prava, a to su:
1. da ima priznat status demobilisanog borca, odnosno da je bračni drug, vanbračni drug ili dijete umrlog demobilisanog borca, ukoliko ne ostvaruje pravo na stambeno zbrinjavanje po osnovu Zakona o dopunskim pravima porodica poginulih boraca i ratnih vojnih invalida;
 2. da ne posjeduje/raspolaže stambenom jedinicom uslovnom za stanovanje na području Bosne i Hercegovine i regije što dokazuje potvrđenom i potpisanom izjavom;
 3. da je stambena jedinica koja je predmet sanacije, završetka gradnje, nadogradnje odnosno započinjanja nove gradnje neuslovna za stanovanje;
 4. da nije primio pomoć za stambeno zbrinjavanje po nekom od projekata Vlade Brčko distrikta BiH iz prethodnih godina;
 5. da je vlasnik ili suvlasnik, posjednik ili suposjednik zemljišta ili stambene jedinice na području Brčko distrikta BiH, što dokazuje p.l. ili Zk. ulćakom;

6. da nije poklonio, prodao ili na drugi način otuđio svoju stambenu jedinicu u Bosni i Hercegovini i regionu nakon 1995. godine, što dokazuje potvrđenom i potpisanom izjavom,
 7. da korisnik prava ima prebivalište u Erčkoj distriktu BiH u trajanju od najmanje 24 mjeseca,
 8. da za stambenu jedinicu koja je predmet sanacije, završetka gradnje ili nadogradnje nije dodjeljivana pomoć nekom drugom licu
- (14) Komisija zadržava pravo provjere dokaza koji su potkrijepljeni izjavama korisnika prava za korisnike koji se nađu na Konačnoj listi za odobravanje pomoći.
- (15) Izabrani korisnik prava za potpuno stambeno zbrinjavanje dužan je da, u roku od 30 dana od dana objavljivanja preliminarne rang-liste dostavi, rješenje o lokacijskim uslovima.
- (16) Zadužuje se Odjeljenje za prostorno planiranje i imovinsko-pravne poslove da u predviđenom roku prioritarno rješava zahtjeve iz stava (15).
- (17) Smatra se stambeno zbrinutim i ne ispunjava opće kriterije:
1. lice koje stanuje u stanu ili kući roditelja ili bračnog druga, ako je stambena cjelina koju koristi s članovima porodičnog domaćinstva uslovna i s viškom neiskorištenog stambenog prostora;
 2. lice koje je već dobijalo nepovratna novčana sredstva za nadogradnju, sanaciju ili završetak gradnje stambenog objekta, kao i pomoć za započinjanje nove gradnje, isporukom građevinskog materijala za gradnju i gradnjom stambenog objekta po sistemu „ključ u ruke“;
 3. lice koje posjeduje/raspolaze stambenom jedinicom koja ima uslovan stambeni prostor shodno broju članova domaćinstva kako slijedi:
 - a) samac – garsonijera
 - b) do tri člana – jednosoban stan
 - c) četiri člana – dvosoban stan
 - d) pet i više članova – trosoban stan;
 4. u broj članova domaćinstva iz tačke b) c) i d) ove tačke uračunava se i podnositelj zahtjeva,
 5. ukoliko u porodici postoji lice/lica s posebnim potrebama izuzimaju se od ovog člana.
- (18) Uslovi u pogledu posebnih kriterija za odabir korisnika prava služe Komisiji kao osnov za određivanje prioriteta između podnosioca zahtjeva u skladu s procjenom njihovih potreba, uz obavezno prethodno ispunjenje općih kriterija iz tačke C) stava (13) ove odluke.
- (19) Uslovi u pogledu posebnih kriterija – prioriteta pri ostvarivanju prava između korisnika prava su:
1. broj članova zajedničkog domaćinstva sa statusom demobilisanog borca;
 2. vrijeme provedeno u oružanim snagama;
 3. uslovnost trenutnog stanovanja podnosioca zahtjeva;
 4. broj članova zajedničkog domaćinstva;
 5. stepen završenosti objekta;
 6. socijalni status porodice.
- (20) U grančnim slučajevima kod jednakog broja bodova za više korisnika prava, prioritet kod odabira korisnika prava imaju zahtjevi korisnika prava čiji objekti nisu useljeni i čiji stepen završenosti zahtjeva veća ulaganja u smislu potrebe za njihovim stavljanjem u funkciju stanovanja korisnika prava.
- (21) Sastavni dio ove Odluke čini tabela za vrednovanje posebnih kriterija – prilog 1.
- (22) Osnov za utvrđivanje visine novčanih sredstava za svaku stambenu jedinicu bit će određen predmjerom i predračunom radova, određenim trenutnim prosječnim cijenama građevinskog materijala Odjeljenja za raseljena lica, izbjeglice i stambena pitanja za tekuću godinu.
- (23) Ukoliko se zahtjev za saniranje stambenog objekta ne može usvojiti zbog dotrajalosti stambenog objekta i nemogućnosti sanacije, Komisija će razmatrati ispunjenost uslova za dodjelu pomoći za započinjanje nove gradnje i obrnuto.
- (24) Dokumentacija kojom se dokazuju uslovi u pogledu općih i posebnih kriterija, a koju korisnik prava podnosi uz zahtjev jeste:
- a) uvjerenje/rješenje o statusu demobilisanog borca izdato od nadležnog organa;
 - b) izvod iz matične knjige vjenčanih za bračnog druga umrlog demobilisanog borca, odnosno izvod iz matične knjige rođenih za dijete umrlog demobilisanog borca, kada zahtjev podnosi u svojstvu člana porodice umrlog demobilisanog borca;

- c) izjava da nije otuđio, poklonio, prodao stambene jedinice u Bosni i Hercegovini i okruženju nakon 1995. godine;
- d) izjava o neposjedovanju uslovne stambene jedinice u Bosni i Hercegovini i okruženju;
- e) dokaz o vlasništvu ili suvlasništvu, posjedništvu ili suposjedništvu zemljišta ili stambene jedinice u Brčko distriktu BiH (Zk. Izvadak ili posjedovni list, ne stariji od 6 mjeseci);
- f) izjava o zajedničkom domaćinstvu korisnika prava;
- g) dokaz o visini primanja zaposlenih članova porodičnog domaćinstva, odnosno uvjerenje od Zavoda za zapošljavanje, za nezaposlene članove porodičnog domaćinstva;
- h) dokaz o korištenju alternativnog/podstanarskog stanovanja ili stanovanja kod roditelja i drugog srodnika;
- i) potvrda o otvorenom aktivnom računu iz banke za korisnika prava;
- j) prijava mjesta prebivališta u Brčko distriktu Bosne i Hercegovine; ne starija od 6 mjeseci;
- k) druga relevantna dokumentacija kojom dokazuje ispunjenost uslova po osnovu općih i posebnih kriterija, u skladu s tabelom za vrednovanje posebnih kriterija i na traženje Komisije.
- l) Izabrani korisnik prava za potpuno stambeno zbrinjavanje je dužan da, u roku od 30 dana od dana objavljivanja preliminarnog rang-liste, dostavi rješenje o lokacijskim uslovima za izgrađeni temelj objekta.

1. Ispunjenost uslova u pogledu općih i posebnih kriterija utvrđuje Komisija na osnovu uredno dostavljene dokumentacije uz zahtjeve i na osnovu utvrđenog činjeničnog stanja na terenu.

a) Utvrđeno činjenično stanje na terenu za lica koja su podnosila zahtjev po Programu stambenog zbrinjavanja iz 2020.g. Komisija nema obavezu ponovno obilaziti osim u slučaju da je stranka prilikom obnove zahtjeva prijavila promjene činjeničnog stanja na objektu nakon obilaska Komisije u tekućoj 2021. godini.

b) Ukoliko se podnositelj zahtjeva po broju pripadajućih bodova nađe na konačnu listu korisnika prava kojem treba da budu odobrena sredstva, a bodovan je po zapisniku iz Programa za 2020.g. Komisija ima obavezu provjere činjeničnog stanja na terenu odnosno ponovni obilazak i snimanje stanja objekta podnosioca zahtjeva.

c) Prilikom podnošenja novog zahtjeva stranaka u postupku mora biti upoznata sa činjenicama iz tačke a) i tačke b) ovog stava, te dati izjavu dali je bilo promjena na objektu nakon obilaska Komisije u 2021.g.

2. Pomoć za stambeno zbrinjavanje ostvaruju korisnici prava koji uz ispunjenost eliminatornih uslova ostvare najveći broj bodova po tabeli za vrednovanje posebnih kriterija.

(25) Pojedinačni zahtjevi za jednokratnu novčanu pomoć sa potrebnom dokumentacijom predaju se Odjelu za zdravstvo i ostale usluge, nadležnoj Službi koja ih prosjeđuje Komisiji na razmatranje i davanje prijedloga za odabir korisnika prava, na osnovu utvrđene ispunjenosti uslova u pogledu propisanih kriterija.

(26) Komisija utvrđuje Preliminarnu listu potencijalnih korisnika prava u visini namjenskih sredstava osiguranih budžetom Brčko distrikta BiH za tekuću godinu te istu objavljuje na oglasnim pločama:

1. Vlade Brčko distrikta BiH,
2. Odjeljenja za zdravstvo i ostale usluge – nadležne Službe,
3. Odjeljenja za raseljena lica, izbjeglice i stambena pitanja i
4. Registrovanih Udruženja/Udruga demobilisanih boraca na području Brčko distrikta BiH.

(27) Na preliminarnu listu istaknutu na oglasnim pločama, iz koje se može jasno utvrditi broj pripadajućih bodova po svakom od kriterija iz tabele za bodovanje, svaki korisnik prava može uložiti pismeni prigovor.

(28) Pismeni prigovor ulaže se Komisiji putem nadležne Službe.

(29) Prigovor se podnosi u roku od 5 dana od dana objavljivanja preliminarnog rang-liste na oglasnim pločama.

(30) Po završetku postupka po prigovoru pred Komisijom, a koji ne može biti duži od 3 dana od dana dostavljanja urednog prigovora, Komisija utvrđuje Konačnu listu korisnika prava.

(31) Konačnu listu korisnika prava Komisija dostavlja šefu Odjeljenja za zdravstvo i ostale usluge, na odobravanje.

(32) Šef Odjeljenja za zdravstvo i ostale usluge donosi rješenja po svim podnesenim zahtjevima.

(33) Žalba na rješenje iz stava (33) ove Odluke podnosi se Apelacionoj komisiji Ureda gradonačelnika Brčko distrikta BiH, putem Odjeljenja za zdravstvo i ostale usluge.

III

Zahtjevi za dodjelu sredstava sa traženom dokumentacijom podnose se Službi boračko-invalidske zaštite i civilnih žrtava rata pri Odjeljenju za zdravstvo i ostale usluge.

Obrazac prijave kao i sva druga obavještenja mogu se dobiti u Službi boračko-invalidske zaštite i civilnih žrtava rata.

Prefiminarna lista korisnika za dodjelu sredstava bit će utvrđena u skladu sa opštim i posebnim kriterijima vrednovanim u skladu s Tablicom za vrednovanje posebnih kriterija.

Javni poziv traje 8 (osam) dana i otvoren je do 03.12.2021. godine.

Nekompletni i zahtjevi zaprimljeni nakon **03.12.2021. godine**, kao i zahtjevi lica koja su koristila ovu vrstu pomoći u ranijem periodu neće biti predmet razmatranja.

Napomena: Svi podnosioci zahtjeva su dužni da prilikom predaje zahtjeva vode računa i pridržavaju se svih propisanih mjera vezanih za sprečavanje širenja zaraze izazvane virusom COVID 19.

Dostavljeno:

1. Oglasna ploča:

- Vlada Brčko distrikta BiH
- Odjeljenja za zdravstvo i ostale usluge - Služba boračko-invalidske zaštite;
- Odjeljenja za raseljena lica, izbjeglice i stambena pitanja;
- Registrovanih Udruženja demobilisanih boraca na području Brčko distrikta BiH;

2. Radio Brčko distrikta BiH

3. Evidencija

4. Arhiva

